

პერსონალურ მონაცემთა დაცვის ინსპექტორის აპარატი



პერსონალურ მონაცემთა დაცვის ინსპექტორის აპარატის ვებ-გვერდების და მონაცემთა ბაზების გლობალურ ქსელში ჩართულ ვირტუალურ სერვერებზე განთავსებისა და ელექტრონული ფოსტის სერვისის უზრუნველყოფის მომსახურების შესყიდვა

გამარტივებული ელექტრონული ტენდერი აუქციონის გარეშე

CPV72400000

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვის შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე.

ქ. თბილისი

2016 წელი

სარჩევი

1. ინსტრუქცია ტენდერში მონაწილეთათვის	3
2. შესყიდვის ობიექტის ტექნიკური მოთხოვნები	4
3. ხელშეკრულების პროექტი	6
4. ფასების ცხრილი - დანართი N1	10
5. პრეტენდენტის რეკვიზიტები - დანართი N2	11

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული წესის შესაბამისად.

1.2 ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 შემსყიდველ ორგანიზაციაში წარმოსადგენი ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 სატენდერო დოკუმენტაციაში განსაზღვრულ შესასყიდ საქონელზე, სადაც მითითებული იქნება კონკრეტული სასაქონლო ნიშანი, მოდელი, წარმოშობის წყარო ან მწარმოებელი (ასეთის არსებობის შემთხვევაში) იგულისხმება „მსგავსი“ ან „ეკვივალენტური“.

1.7 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ შესყიდვების ერთიანი ელექტრონული სისტემის მეშვეობით წარმოდგენილი უნდა იქნას ხელშეკრულებ(ებ)ა და შესაბამისი მიღება-ჩაბარების აქტ(ებ)ი და ანგარიშფაქტურ(ებ)ა (არსებობის შემთხვევაში) და/ან ინვოის(ებ)ი/პროფორმა ინვოის(ებ)ი, ხოლო სახელმწიფო შესყიდვის შემთხვევაში შესაბამისი შესყიდვის უნიკალური ნომრები (CMR/SPA/NAT და ა.შ). ფასწარმოქმნის ადეკვატურობის დასაბუთებაზე ვრცელდება სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-12 მუხლის მე-11-მე-14 პუნქტებით განსაზღვრული წესები.

1.8 სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

1.9 პრეტენდენტს არ აქვს უფლება წარმოადგინოს ალტერნატიული სატენდერო წინადადება.

1.10 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში, ქ. თბილისი, ვაჟა-ფშაველას ქ. N7; საკონტაქტო პირი: ანა ნადირაშვილი, Tel: 577 14 19 19; 2421000 (144); e-mail: anadirashvili@pdp.ge; ტექნიკურ საკითხებთან დაკავშირებით: გიორგი გიორგანაშვილი, Tel: 595 18 44 44; e-mail: ggiorganashvili@pdp.ge

2. ტექნიკური მოთხოვნები:

2.1 ტექნიკური პირობები:

1. ვირტუალური სერვერები:

- **ვირტუალური სერვერი VPS1** - პროცესორი - არანაკლებ 2.8 Ghz x 2 ბირთვი, ოპერატიული მეხსიერება - არანაკლებ 4 GB, მყარი დისკი - არანაკლებ 40 GB, IP (გლობალური) მისამართი - არანაკლებ 1;
- **ვირტუალური სერვერი VPS2** - პროცესორი - არანაკლებ 2.8 Ghz x არანაკლებ 4 ბირთვი, ოპერატიული მეხსიერება - არანაკლებ 6 GB, მყარი დისკი - არანაკლებ 50 GB, IP (გლობალური) მისამართი - არანაკლებ 2.

აღნიშნულ ვირტუალურ სერვერზე VPN-კავშირების შესაძლებელი უნდა იყოს შემდეგი მეთოდებით: Cisco VPN, OpenVPN, IPSec, L2TP. უნდა ჰქონდეს ვირტუალური დაცული ქსელის VPN IPSEC tunnel მხარდაჭერა, არანაკლებ 2 შეერთება.

აღნიშნული სერვერები განთავსებული უნდა იყოს მომწოდებლის საკუთარ სერვერების ცენტრში და უზრუნველყოფილი უნდა იყოს უსაფრთხოების მაღალი ხარისხით, უწყვეტი დუბლირებული კვების წყაროებით (UPS და გენერატორი) და გაგრილების სისტემით.

2. ვებ ჰოსტინგი :

ვებ ჰოსტინგის გამოყოფა არანაკლებ 2 საიტისთვის, ჯამური სივრცე: არანაკლებ 5 GB (Mod Security-ის მხარდაჭერით).

3. ელ-ფოსტის სერვისი

ელექტრონული ფოსტის სერვისი არანაკლებ 2 დომენისთვის - smtp gateway spam/virus ფილტრაციის და mail forwarder ფუნქციით.

შენიშვნა:

- მიმწოდებელმა უნდა უზრუნველყოს DNS ჩანაწერები საკუთარ NS სერვერებზე (მინიმუმ ორ სერვერზე რომლებიც განთავსებულია სხვადასხვა ფიზიკურ ადგილას და აქვთ IPv4 დამისამართება სხვადასხვა ქსელიდან).
- გარანტირებული აფ-თაიმი (სერვისის წვდომის დრო) – 99,9%, დასაშვები სერვისის მიუწვდომლობის დრო არ აღემატება ორ საათს ერთ ჯერზე.
- **ინტერნეტ შეერთება:** გლობალურ ქსელთან დაშვების სიჩქარე არანაკლებ 10 მეგაბიტი წამში, ლოკალურ (საქართველოს ოპერატორებიდან) დაშვების სიჩქარე არანაკლებ 100 მეგაბიტი წამში, ტრაფიკი - შეუზღუდავი, მინიმუმ 4 გარე IP მისამართის გამოყოფა.
- **სერვერების ცენტრს უნდა გააჩნდეს ორი დამოუკიდებელი ინტერნეტ კავშირი სხვადასხვა ოპერატორთან.**
- მიმწოდებელმა უნდა უზრუნველყოს სერვერების ყოველკვირეული ავტომატური სარეზერვო ასლის შენახვა და საჭიროების შემთხვევაში სარეზერვო ასლიდან აღდგენა. სარეზერვო ასლების შენახვის ვადა: არანაკლებ 1 კვირა.
- **კიბერ უსაფრთხოება:** მიმწოდებელს უნდა გააჩნდეს კიბერ უსაფრთხოების UTM (Unified threat management) აპარატურული დაცვის სისტემა, რათა უზრუნველყოს სერვერზე და საიტებზე არასანქცირებული შეღწევის აღბათობის მინიმუმამდე შემცირება, სისტემას უნდა გააჩნდეს შემდეგი კომპონენტები: Network Security - Firewall, Intrusion Prevention, Dos Protection, Antivirus, Web application Firewall.
- **კიბერ ინციდენტებზე რეაგირება:** მიმწოდებელს უნდა გააჩნდეს საკუთარი კომპიუტერული ქსელის უსაფრთხოების სერვისი CERT - შემსყიდველის ვირტუალურ სერვერზე მომხდარ სხვადასხვა კიბერ ინციდენტების პროტოკოლირება, კიბერშეტევების აღმოჩენა და შესაბამისი რეაგირება, მომხდარ ინციდენტზე დეტალური ინფორმაციის მიწოდება, სერვერის ტრაფიკის დეტალური პროტოკოლირება (Netflow). ინციდენტზე სწავი რეაგირებისთვის მომწოდებლის CERT ჯგუფი უნდა იყოს საერთაშორისო CERT-ების

გაერთიანების წევრი, CERT ჯგუფს უნდა ჰქონდეს მინიმუმ 2 წლიანი გამოცდილება. პრეტენდენტმა უნდა წარმოადგინოს ინფორმაცია CERT ჯგუფის დასახელების, გაერთიანების წევრობის და სტატუსის შესახებ.

- პრეტენდენტმა უნდა უზრუნველყოს შემსყიდველი ჰოსტინგთან დაკავშირებული სატელეფონო კონსულტაციებითა და ტექნიკური დახმარებით 24 საათის განმავლობაში, კვირაში 7 დღე.

2.2 შესყიდვის ობიექტის სავარაუდო ღირებულება:

2.2.1 შესყიდვის ობიექტის სავარაუდო ღირებულება შეადგენს 3 540 (სამიათასხუთასორმოცი) ლარს, დღგ-ს ჩათვლით.

2.2.2 სატენდერო წინადადების ფასი გამოსახული უნდა იყოს ეროვნულ ვალუტა - ლარში. სატენდერო წინადადების ფასი უნდა მოიცავდეს შესყიდვის ობიექტის მიწოდებასთან დაკავშირებით მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის დღგ-ს გადასახადს.

2.2.3 პრეტენდენტმა, რომელიც არ არის დღგ-ს გადამხდელი, სატენდერო წინადადების ფასი უნდა წარმოადგინოს დღგ-ს გათვალისწინებით, ხოლო სატენდერო კომისიის მიერ გამარჯვებულად გამოვლენის შემთხვევაში, სახელმწიფო შესყიდვის შესახებ ხელშეკრულება გაფორმდება დღგ-ს გამოკლებით.

2.3 ანგარიშსწორების ვადები და პირობები:

2.3.1 ანგარიშსწორება განხორციელდება ეტაპობრივად, უნაღდო ანგარიშსწორებით, შესყიდვის ობიექტის მიწოდების შესახებ გაფორმებული მიღება-ჩაბარების აქტის საფუძველზე, არაუგვიანეს 10 (ათი) სამუშაო დღის განმავლობაში;

2.3.2 წინასწარი ანგარიშსწორება (ავანსი) არ გამოიყენება.

2.3.3 დაფინანსების წყარო: საქართველოს 2017 წლის სახელმწიფო ბიუჯეტით პერსონალურ მონაცემთა დაცვის ინსპექტორის აპარატისათვის დამტკიცებული ასიგნება.

2.4 შესყიდვის ობიექტის მიწოდების ვადები და მიწოდების ადგილი:

2.4.1 შესყიდვის ობიექტის მიწოდება უნდა განხორციელდეს 2017 წლის 01 იანვრიდან 2017 წლის 31 დეკემბრის ჩათვლით, რაზედაც ყოველთვიურად გაფორმდება შესაბამისი მიღება-ჩაბარების აქტი.

2.4.2 შესყიდვის ობიექტის მიწოდების ადგილია ქ. თბილისი, ნ. ვაჩნაძის ქ. N7.

2.6 პრეტენდენტის მიერ ერთიან ელექტრონულ სისტემაში ასატვირთი მონაცემები:

2.6.1 ფასების ცხრილი დანართი N1-ის მიხედვით (ფასების ცხრილის **წარმოდგენლობა დაზუსტებას არ დაექვემდებარება და გამოიწვევს პრეტენდენტის დისკვალიფიკაციას**).

2.6.2 რეკვიზიტები - დანართი N2-ის მიხედვით;

2.6.3 პრეტენდენტმა უნდა წარმოადგინოს ოფიციალური ინტერნეტ გვერდის მისამართი (link) პრეტენდენტის CERT ჯგუფის დასახელების, გაერთიანების წევრობის და სტატუსის შესახებ.

შენიშვნა: იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ შესყიდვების ერთიანი ელექტრონული სისტემის მეშვეობით წარმოდგენილი უნდა იქნას ხელშეკრულებ(ებ)ა და შესაბამისი მიღება-ჩაბარების აქტ(ებ)ი და ანგარიშგაქტურ(ებ)ა (არსებობის შემთხვევაში) და/ან ინვოის(ებ)ი/პროფორმა ინვოის(ებ)ი, ხოლო სახელმწიფო შესყიდვის შემთხვევაში შესაბამისი შესყიდვის უნიკალური ნომრები (CMR/SPA/NAT და ა.შ). ფასწარმოქმნის ადეკვატურობის დასაბუთებაზე ვრცელდება სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-12 მუხლის მე-11-მე-14 პუნქტებით განსაზღვრული წესები.

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებული პრეტენდენტის სატენდერო წინადადების შესაბამისად, ხელშეკრულების გაფორმების პროცესში.

ქ. თბილისი

2016 წელი

1. ხელშეკრულების დამდები მხარეები

ერთის მხრივ პერსონალურ მონაცემთა დაცვის ინსპექტორის აპარატი, წარმოდგენილი ----- სახით (შემდგომში “შემსყიდველი”) და მეორეს მხრივ „-----“ (შემდგომში „მიმწოდებელი“) სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ შემდეგზე:

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

- 2.1 ხელშეკრულების (შესყიდვის) ობიექტია-----.
- 2.2 შესყიდვის საშუალება - გამარტივებული ელექტრონული ტენდერი, განცხადების ნომერი
- 2.3 ხელშეკრულების საერთო ღირებულება შეადგენს ----- ლარს, ყველა გადასახადის ჩათვლით.
- 2.4 კლასიფიკატორის კოდი:
- 2.5 ხელშეკრულება ძალაშია მხარეთა მიერ ხელმოწერიდან ----- -მდე/ჩათვლით.

3. შესყიდვის ობიექტის მიწოდების პირობები

- 3.1 შესყიდვის ობიექტის მიწოდების ვადა:-----.
- 3.2 შესყიდვის ობიექტის მიწოდების ადგილი:-----.

4. შესყიდვის ობიექტის ხარისხი და გარანტია

4.1 მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

5. ხელშეკრულების შესრულების კონტროლი (ინსპექტირება)

- 5.1 შემსყიდველს უფლება აქვს განახორციელოს ტექნიკური კონტროლი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.
- 5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.
- 5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 5.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს პერსონალურ მონაცემთა დაცვის ინსპექტორის აპარატის თანამშრომელი(ები).

6. შესყიდვის ობიექტის მიღება-ჩაბარების წესი

- 6.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირს წარმოადგენს წინამდებარე ხელშეკრულების მე-5 მუხლის მე-4 პუნქტში მითითებული პირი).
- 6.2 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7. ანგარიშსწორება და ანგარიშსწორების ვალუტა

- 7.1 ანგარიშსწორება მოხდება უნაღდო ანგარიშსწორებით-ლარში.

7.2 ანგარიშსწორება განხორციელდება 2017 წლის ბიუჯეტის სახსრებით, ეტაპობრივად ფაქტიურად მიწოდებული შესყიდვის ობიექტის შესაბამისად, მიღება-ჩაბარების აქტის გაფორმებიდან 10 (სამუშაო) დღის განმავლობაში, მაგრამ არაუგვიანეს 2017 წლის 30 დეკემბრისა.

7.3 ხელშეკრულების პირობების დარღვევის შემთხვევაში მიმწოდებელზე დაკისრებული ჯარიმის ანაზღაურებამდე შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე ჯარიმის გადახდის შემდეგ.

7.4 წინასწარი ანგარიშსწორება არ გამოიყენება.

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0,02%-ის ოდენობით.

8.3 თუ ხელშეკრულების შეწყვეტა გამოწვეულია მიმწოდებლის ბრალეული ქმედებით, მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით.

8.4 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულებლის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას, ვალდებულია შეატყობინოს მეორე მხარეს მიღებული გადაწყვეტილების შესახებ, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიწოდების ვადის 5 კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულების ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.6 ამ მუხლის 9.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ

მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შეღავათები არ ვრცელდება.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით. მხარეთა წერილობითი შეთანხმება ხელშეკრულებაში ცვლილების შეტანის თაობაზე, ჩაითვლება ხელშეკრულების განუყოფელ ნაწილად.

12. ღირებულება

12.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

12.2 მხარეთა შეთანხმებით დასაშვებია ხელშეკრულების ღირებულების შეცვლა.

12.3 ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

12.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

12.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

13. ურთიერთობა ხელშეკრულების დამდებ მხარეებს შორის

13.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა წარმოებდეს წერილობითი ფორმით. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით.

13.2 შეტყობინება ძალაში შედის ადრესატის მიერ მისი მიღების დღეს.

14. სადავო საკითხების გადაწყვეტა

14.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

14.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

14.3 ხელშეკრულება დადებულია საქართველოს კანონმდებლობის შესაბამისად.

15. სხვა პირობები

15.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

15.2 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16. მხარეთა იურიდიული რეკვიზიტები

შემსყიდველი:

მიმწოდებელი:

ფასების ცხრილი

პრეტენდენტის დასახელება -----

მომსახურების დასახელება	ტექნიკური მახასიათებლები	ერთეულის ღირებულება (ერთი თვის განმავლობაში გასაწევი მომსახურების ღირებულება)	ჯამი
ვებ-გვერდების და მონაცემთა ბაზების გლობალურ ქსელში ჩართულ ვირტუალურ სერვერებზე განთავსებისა და ელექტრონული ფოსტის სერვისის უზრუნველყოფა	აღნიშნულ ველში პრეტენდენტმა უნდა ასახოს შემოთავაზებული მომსახურების ტექნიკური მახასიათებლები სატენდერო დოკუმენტაციის 2.1 პუნქტით (ტექნიკური პირობები) მოთხოვნილი პირობების შესაბამისად		

ინფორმაცია უნდა იყოს ხელმოწერილი და ბეჭედდასმული (არსებობის შემთხვევაში) უფლებამოსილი პირის მიერ.

შენიშვნა: ფასების ცხრილის წარმოდგენლობა დაზუსტებას არ დაექვემდებარება და გამოიწვევს პრეტენდენტის დისკვალიფიკაციას.

პრეტენდენტის რეკვიზიტები:

პრეტენდენტის იურიდიული ფორმა და დასახელება

საიდენტიფიკაციო კოდი

ხელმძღვანელის/უფლებამოსილი პირის თანამდებობა, სახელი და გვარი

პრეტენდენტის იურიდიული ან/და ფაქტიური მისამართი

პრეტენდენტის ტელეფონის ნომერი

პრეტენდენტის ელექტონული ფოსტის მისამართი

საბანკო რეკვიზიტები:

მომსახურე ბანკის დასახელება

ბანკის კოდი

ანგარიშის ნომერი

ინფორმაცია უნდა იყოს ხელმოწერილი და ბეჭედდასმული (არსებობის შემთხვევაში) უფლებამოსილი პირის მიერ.